

日日之函入

景德傳燈錄

十五十六

土岐文庫

文庫17

W17

8



東坡先生集卷第十五

宋汝州府志

吉州青原山行願禪師碑

第四世十主人

龍興禪師常寂禪師二人

明萬曆間重修碑

吉州姓沈氏師法嗣五人

宋州府志

東坡先生集卷第十五

吉州府志



文庫 17  
W17  
8

景德傳燈錄卷第十五

宋沙門道原纂

吉州青原山行思禪師法嗣

第四世一十七人

澧州龍潭崇信禪師法嗣二人見錄

朗州德山宣鑒禪師 洪州泐潭寶峯和尚

吉州性空禪師法嗣二人見錄

歙州茂源和尚 棗山光仁禪師

京兆翠微無學禪師法嗣五人

四人見錄

鄂州清平山令遵禪師 舒州投子山大同禪師

昭和六十年二月一日贈  
王岐善居士唐氏寄

010125192810



湖州道場山如訥禪師

建州白雲約禪師

伏牛山元通禪師一人無機緣語句不錄

潭州道吾山圓智禪師法嗣三人見錄

潭州石霜山慶諸禪師 潭州漸源仲興禪師

祿清和尚

潭州雲巖曇晟禪師法嗣四人見錄

筠州洞山良价禪師

涿州杏山鑒洪禪師

潭州神山僧密禪師

幽谿和尚

華亭船子德誠禪師法嗣一人見錄

澧州夾山善會禪師

第五世一十四人

舒州投子山大同禪師法嗣一十三人

一十二人見錄

第二世投子溫禪師

福州牛頭微禪師

西川香山澄照大師

陝府天福和尚

濠州思明和尚

鳳翔府招福和尚

興元中梁山遵古禪師

襄州谷隱和尚

安州九嶷山和尚

幽州盤山第二世和尚

九嶷山敬慧禪師

東京觀音院巖俊禪師

桂陽龍福真禪師一人無機緣語句不錄

鄂州清平山令遵禪師法嗣一人見錄



新州三角山令珪禪師

景德中，令珪禪師，字子山，大興人。年一十三，入具足戒。後居三角山，號令珪禪師。師性剛直，不事榮利。嘗曰：「吾嘗聞禪師，不問其德，但問其貌。貌不類人，則德必不凡。」師貌類猿猴，故號令珪禪師。師嘗曰：「吾嘗聞禪師，不問其德，但問其貌。貌不類人，則德必不凡。」師貌類猿猴，故號令珪禪師。

行思禪師第四世

前澧州龍潭崇信禪師法嗣

朗州德山宣鑒禪師，劍南人也。姓周氏，壯歲出家，依年受具，精究律藏，於性相諸經，貫通旨趣。常講金剛般若，時謂之周金剛。厥後訪尋禪宗，因謂同學曰：「毛吞海，海性無虧；纖芥投鋒，鋒利不動。學與無學，唯我知焉。」因造龍潭，信禪師問答皆一語而已。前章師出之師即時辭去。龍潭留之一夕，於室外默坐。龍問何不歸來，師對曰：「黑龍乃點燭，與師擬接。龍便吹滅，師乃禮拜。」龍曰：「見什麼？」曰：「從今向去，不疑天下老和尚舌。」



頭也至明日便發龍潭謂諸徒曰可中有一箇漢牙  
如劍樹口似血盆一棒打不迴頭他時向孤峯頂上  
立吾道在師抵于瀉山從法堂西過東迴視方丈瀉  
山無語師曰無也無也便出至僧堂前乃曰然雖如  
此不得草草遂具威儀再參纔跨門提起坐具喚曰  
和尚瀉山擬取拂子師喝之揚袂而出瀉山晚間問  
大衆今日新到僧何在對曰却僧見和尚了更不顧  
僧堂便去也瀉山問衆還識這阿師也無衆曰不識  
瀉曰是子將來有把茅蓋頭呵佛罵祖去在師住澧  
陽三十年屬唐武宗廢教避難於獨浮山之石室大

中初武陵太守薛廷望再崇德山精舍號古德禪院  
相國裴休將訪求哲匠住持聆師道行屢請不下山  
廷望乃設詭計遣吏以茶鹽誣之言犯禁法取師入  
州瞻禮堅請居之大闡宗風總印禪師開山創院師  
鑒卽第二世住也  
上堂謂衆曰於已無事則勿妄求妄求而得亦非得  
汝但無事於心無心於事則虛而靈寂而妙若毛端  
許言之本末者皆爲自欺毫釐繫念三塗業因暫爾  
生情萬劫羈鎖聖名凡號盡是虛聲殊相劣形皆爲  
幻色汝欲求之得無累乎及其厭之又成大患終爲  
無益師上堂曰今夜不得問話問話者三十拄杖時



有僧出方禮拜師乃打之僧曰某甲話也未問和尚  
因甚麼打某甲師曰汝是什麼處人曰新羅人師曰  
汝上船時便好與三十拄杖法眼云大小德山話作兩撥玄覺云叢林中喚作隔下語且從只如德山道問話者三十拄杖意作麼生有僧到參師問維那今  
日幾人新到對曰八人師曰將來一時生案著龍牙  
問學人仗鎧鉤劍擬取師頭時如何師引頸法眼別什麼處下手龍牙曰頭落也師微笑龍牙後到洞山舉前  
語洞山曰德山道什麼云德山無語洞山曰莫道無  
語且將德山落底頭呈似老僧龍牙省過懺謝有入  
舉似師師曰洞山老人不識好惡這箇漢死來多少

時救得有什麼用處僧問如何是菩提師打曰出去  
莫向這裏局僧問如何是佛師曰佛即是西天老比丘  
丘雪峯問從上宗風以何法示人師曰我宗無語句  
實無一法與人巖頭聞之曰德山老人一條脊梁骨  
硬似鐵拗不折然雖如此於唱教門中猶較些子保祐  
拈問招慶只如巖頭出世有何言教過於德山便恁拈慶道慶云汝不見巖頭道如人學射久久方中福云中時如何慶云展闊黎莫不識痛痒福云和尚今日非恁舉話慶云展闊黎是什麼心行明昭云大小招慶錯下師尋常遇僧到參多以拄杖打臨濟聞之遣  
侍者來參教令德山若打汝但接取拄杖當箇一拄  
侍者到方禮拜師乃打侍者接得拄杖與一拄師歸



方丈侍者迴舉似臨濟濟云從來疑這箇漢

巖頭云德山老

人尋常只據目前一木杖子佛來亦打祖來亦打爭奈較些子東禪齊云只如臨濟道我從來疑這漢是肯底語不肯語為當別有道理試斷看師上堂曰問卽有過不問又乖有僧出禮拜師便打僧曰某甲始禮拜為什麼便打師曰待汝開口堪作什麼師令侍者喚義存即雪峯也存上來師曰我自喚義存汝又來作什麼存無對師見僧來乃閉門其僧敲門師曰阿誰曰師子兒師乃開門僧禮拜師便騎項曰這畜生什麼處去來雪峯問古人斬猫兒意如何師乃打趁卻喚曰會麼峯曰不會師曰我恁麼老婆也不會僧問凡聖相去多少師

便喝師因疾有僧問還有不病者無師曰有曰如何是不病者師曰阿爺阿爺師復告諸徒曰捫空追響勞汝心神夢覺覺非竟有何事言訖安坐而化卽唐咸通六年乙酉十二月三日也壽八十六臘六十五敕謚見性大師

洪州泐潭寶峯和尚有僧新到師謂曰其中事卽易道不落其中事始終難道僧曰某甲在途時便知有此一問師曰更與二十年行腳也不較多曰莫不契和尚意麼師曰苦瓜那堪待客師問僧古人有一路接後進初心汝還知否曰請師指出古人一路師曰



長壽寺金剛經卷第五  
恁麼卽闍黎知了也。曰頭上更安頭。師曰寶峯不合問仁者曰問又何妨。師曰這裏不曾有人亂說道理出去。

前吉州性空禪師法嗣

歙州茂源和尚平田來參師。欲起身。平田乃把住曰開口卽失。閉口卽喪。去卻恁麼時。請師道。師以手掩耳而已。平田放手曰一步易兩步難。師曰有什麼死急。平田曰若非此箇師。不免諸方點檢。棗山光仁禪師上堂。次大衆集。師從方丈出。未至禪牀。謂衆曰。不負平生行脚眼。自致箇問訊。將來還有

麼。方乃升堂坐。時有僧出禮拜。師曰不負我。且從大衆何也。便歸。方丈翌日有別僧請辨前語。意旨如何。師曰齋時有飯。與汝喫。夜後有牀。與汝眠。一向煎迫我作什麼。僧禮拜。師曰苦苦。僧曰請師直指。師乃垂足曰舒縮一任老僧。

前京兆翠微無學禪師法嗣

鄂州清平山令進禪師。東平人也。姓王氏。少依本州北菩提寺。唐咸通六年落髮。後詣滑州開元寺受具。攻律學。一旦謂同流曰。夫沙門應決徹生死。玄通佛理。若乃孜孜卷軸。役役拘文。悉數海沙。徒勞片心。遂



罷所業遠參禪會至江陵白馬寺堂中遇一老宿名  
曰慧勤師親近詢請勤曰吾久侍丹霞今既垂老倦  
於提誘汝可往謁翠微彼即吾同參也師禮拜而去  
造于翠微之堂問如何是西來的的意翠微曰待無  
人即向汝說師良久曰無人也請師說翠微下禪牀  
引師入竹園師又曰無人也請和尚說翠微指竹曰  
這竿得恁麼長那竿得恁麼短師雖領其微言猶未  
徹其玄旨文德元年抵上蔡會州將重法創大通禪  
苑請闡宗要師自舉初見翠微語句謂衆曰先師入  
泥入水爲我自是我不識好惡師自此化導將十稔

至光化中領徒百餘遊鄂州從節度使杜洪請居清  
平山安樂院上堂曰諸上座夫出家人須會佛意始  
得若會佛意不在僧俗男女貴賤但隨家豐儉安樂  
便得諸上座盡是久處叢林徧參尊宿且作麼生會  
佛意試出來大家商量莫空氣高至後一事無成一  
生空度若未會佛意直饒頭上出水足下出火燒身  
鍊臂聰慧多辯聚徒一千二千說法如雲如雨講得  
天華亂墜只成箇邪說爭競是非去佛法大遠在諸  
人幸值色身安健不值諸難何妨近前著些工夫體  
取佛意好時有僧問如何是大乘師曰麻索曰如何



是小乘師曰錢貫問如何是清平家風師曰一斗麵作三箇饅餅問如何是禪師曰胡孫上樹尾連顛問如何是有漏師曰芥籬曰如何是無漏師曰木杓問覲面相呈時如何師曰分付與典座自餘逗機方便靡徇時情逆順卷舒語超格量天祐十六年正月二十五日午時歸寂壽七十有五周顯德六年敕謚法喜禪師塔曰善應

舒州投子山大同禪師本州懷寧人也姓劉氏幼歲依洛下保唐清禪師出家初習安般觀次閱華嚴教發明性海復謁翠微山法席頓悟宗旨語見翠微章由是

教任周遊歸旋故土隱投子山結茅而居一日趙州諡和尚至相城縣師亦出山途中相遇未相識趙州潛問俗士知是投子乃逆而問曰莫是投子山主麼師曰茶鹽錢乞一箇趙州卽先到庵中坐師後攜一餅油歸庵趙州曰久嚮投子到來只見箇賣油翁師曰汝只見賣油翁且不識投子曰如何是投子師曰油油趙州問死中得活時如何師曰不許夜行投明須到趙州曰我早侯白伊更侯黑同諡二師互相問趙州投子得逆羣之用自爾師道聞于天下雲水之侶競奔湊焉師謂衆曰汝諸人來這裏擬覓新鮮



語句攢萃四六口裏貴有可道我老人氣力稍劣廣  
舌遲鈍汝若問我我便隨汝答對也無玄妙可及於  
汝亦不教汝採根終不說向上向下有佛有法有凡  
有聖亦不存坐繫縛汝諸人變現千般總是汝生解  
自擔帶將來自作自受這裏無可與汝不敢誑嚇汝  
無表無裏可得說似汝諸人還知麼時有僧問表裏  
不收時如何師曰汝擬向這裏採根僧問太藏教中  
還有奇特事也無師曰演出大藏教問如何是眼未  
開時事師曰目淨脩廣如青蓮問一切諸佛及諸佛  
法皆從此經出如何是此經師曰以是名字汝當奉

持問枯木中還有龍吟也無師曰我道觸體裏有師  
子吼問一法普潤一切羣生如何是一法師曰雨下  
也問一塵含法界時如何師曰早是數塵也問金鎖  
未開時如何師曰開也問學人欲修行時如何師曰  
虛空不曾爛壞雪峯侍立師指庵前一塊石曰三世  
諸佛總在裏許雪峯曰須知有不在裏許者師乃歸  
庵中坐一日雪峯隨師訪龍眠庵主雪峯問龍眠路  
向什麼處去師以拄杖指前面雪峯曰東邊去西邊  
去師曰漆桶雪峯與由又問一槌便成時如何師曰  
不是性燥漢雪峯曰不假一槌時如何師曰漆桶師



言傳金卷十五  
一日庵中坐雪峯問和尚此間還有人參否師於牀下拈鑊頭拋向面前雪峯曰恁麼卽當處掘去也師曰漆桶不快雪峯辭去師出門送驀召云道者雪峯迴首應諾師曰途中善爲僧問故歲已去新歲到來還有不涉二途者也無師云有云如何是不涉二途者師云元正啓祚萬物惟新問依稀似半月闍黎若三皇乾坤收不得師向何處明師曰道什麼僧曰想師只有湛水之波且無滔天之浪師曰閑言語問類中來時如何師曰人類中來馬類中來問佛佛授手祖祖相傳未審傳箇什麼法師曰老僧不解謾語問

如何是出門不見佛師曰無所覩曰如何是入室別爺孃師曰無所生問如何是火燄裏藏身師曰有什麼掩處曰如何是炭堆裏藏身師曰我道汝黑似漆問的的不明時如何師曰明也問如何是末後一句師曰最初明不得問從苗辨地因語識人未審將何辨識師曰引不著問院裏三百人還有不在數者無師曰一百年前五十年後看取師問僧久嚮疎山薑頭莫便是否無對法眼代云嚮重和尚日久僧問抱璞投師請師雕琢師曰不爲棟梁材曰恁麼卽卞和無出身處也師曰擔帶卽伶俜辛苦曰不擔帶時如何師曰不教



汝抱璞投師更請雕琢問那吒太子析骨還父析肉還母如何是那吒本來身師放下手中杖子問佛法二字如何辨得清濁師曰佛法清濁曰學人不曾師曰汝適來問什麼問一等是水爲什麼海鹹河淡師曰天上星地下木法眼別云大以相違問如何是祖師意師曰彌勒覓箇受記處不得問和尚住此來有何境界師曰了肉女子白頭絲問如何是無情說法師曰惡問如何是毗盧師曰已有名字曰如何是毗盧師曰未有毗盧時會取問歷落一句請師道師曰好問四山相逼時如何師曰五蘊皆空問一念未生時如何

師曰真箇設語問凡聖相去幾何師下禪牀立問學人一問卽和尚答忽若干問萬問時如何師曰如雞抱卵問天上天下唯我獨尊如何是我師曰推倒這老胡有什麼過問如何是和尚師曰迎之不見其首隨之不見其形問塑像未成未審身在什麼處師曰莫亂造作僧曰爭奈現不現何師曰隱在什麼處問無自底人如何進步師曰徧十方僧曰無自爲什麼徧十方師曰著得目也無問如何是西來意師曰不識問月未圓時如何師曰吞卻兩三箇僧曰圓後如何師曰吐卻七八箇問日月未明佛與衆生在什



麼處師曰見老僧便道見老僧喜便道喜師問  
僧什麼處來曰東西山禮祖師來師曰祖師不在東  
西山僧無語法眼代云和尚識祖師問如何是玄中的師曰不  
到汝口裏道問牛頭未見四祖時如何師曰與人爲  
師又問見後如何師曰不與人爲師問諸佛出世惟  
以一大事因緣如何是一大事因緣師曰尹司空請  
老僧開堂問如何是佛師曰幻不可求問千里尋師  
乞師一接師曰今日老僧腰痛菜頭入方丈請益師  
曰且去待無人時來爲開黎說菜頭明白伺得無人  
又來請和尚說師曰近前來菜頭近前師曰輒不得

舉似於人問併卻咽喉脣吻請師道師曰汝只要我  
道不得問達磨未來時如何師曰徧天徧地曰來後  
如何師曰蓋覆不得問和尚未見先師時如何師曰  
通身不奈何曰見先師後如何師曰通身撲不碎曰  
還從師得也無師曰終不相孤負曰恁麼卽從師得  
也師曰自著眼趁取曰恁麼卽孤負先師也師曰非  
但孤負先師亦乃孤負老僧問七佛是文殊弟子文  
殊還有師也無師曰適來恁麼道也大似屈已推人  
問金雞未鳴時如何師曰無這箇音響曰鳴後如何  
師曰各自知時問師子是獸中之王爲什麼被六塵



吞師曰不作大無人我師居授子山三十餘載往來  
激發請益者常盈于室師縱之以無畏辯隨問遽答  
啐啄同時微言頗多今略錄少分而已唐中和年巢  
寇暴起天下喪亂有狂徒持刃上山問師住此何爲  
師乃隨宜說法魁渠聞而拜伏脫身服施之而去師  
乾化四年甲戌四月六日示有微疾大衆請醫師謂  
衆曰四大動作聚散常程汝等勿慮吾自保矣言訖  
跏趺坐亡壽九十有六詔諡慈濟大師塔曰真寂  
湖州道場山如訥禪師僧問如何是教意師曰汝自  
看僧禮拜師曰明月鋪霄漢山川勢自分問如何得

問性不隨緣去師曰汝聽看僧禮拜師曰聾人也唱  
胡笳調好惡高低自不聞僧曰恁麼卽聞性宛然也  
師曰石從空裏立火向水中焚問虛空還有邊際否  
師曰汝也太多知僧禮拜師曰三尺杖頭挑日月一  
塵飛起任遮天問如何是道人師曰行運無蹤迹起  
坐絕人知僧曰如何卽是師曰三鑪力盡無煙燄萬  
頃平田水不流問一念不生時如何師曰堪作什麼  
僧無語師又曰透出龍門雲雨合山川大地入無蹤  
師曰有重瞳垂手過膝自翠微受訣乃止于道場山  
旌草卓庵學徒四至遂成禪苑廣闡法化所遺壞衲



三事及開山拄杖木屐今在影堂中

建州白雲約禪師

曾住江州東禪院

僧問不坐徧空堂不居

無學位此人合向什麼處安置師曰青夫無電影天

台韶和尚參師問什麼處來韶曰江北來師曰船來

陸來曰船來師曰還逢見魚鼈麼曰往往遇之師曰

遇時作麼生韶曰咄續頭去師大笑

潭州道吾山圓智禪師法嗣

潭州石霜山慶諸禪師廬陵新淦人也姓陳氏年十

三依洪井西山紹鑒禪師落髮二十三嵩嶽受具就

洛下學毗尼之教雖知聽制終爲漸宗迴抵大潁山

法會爲米頭一日師在米寮內篩米潁山云施主物

莫拋撒師曰不拋撒爲山於地上拾得一粒云汝道

不拋撒這箇什麼處得來師無對潁山又云莫欺這

一粒米百十粒從這一粒生師曰百十粒從這一粒

生未審這一粒從什麼處生潁山呵呵笑歸方丈晚

後上堂云太衆米裏有蟲師後參道吾問如何是觸

目菩提道吾喚沙彌沙彌應諾吾曰添淨餅水著吾

卻問師汝適來問什麼師乃舉前問道吾便起去師

從此省覺道吾曰我疾作將欲去世心中有物久而

爲患誰可除之師曰心物俱非除之益患道吾曰賢



哉賢哉于時始為二夏之僧因避世混俗于長沙瀏  
陽陶家坊朝遊夕處人莫能識後因洞山价和尚遣  
僧訪尋囊錫始露乃舉之住石霜山他日道吾將捨  
衆順世以師為嫡嗣躬至石霜而就之師曰勤執侍  
全于師禮暨道吾歸寂學侶雲集盈五百衆廣語出別卷  
一日謂衆曰一代時教整理時人腳手凡有其由皆  
落在今時直至法身非身此是教家極則我輩沙門  
全無肯路若分即差不分即坐著泥水但由心意妄  
說見聞僧問如何是西來意師曰空中一片石僧禮  
拜師曰會麼曰不會師曰賴汝不會若會即打破你

頭問如何是和尚本分事師曰石頭還汗出麼曰到  
這裏為什麼卻道不得師曰腳底著口問真身還出  
世也無師曰不出世曰爭奈真身何師曰瑠璃碗子  
口師居方丈有僧在明牕外問咫尺之間為什麼不  
覩師顏師曰我道徧界不曾藏僧舉問雪峯徧界不  
曾藏意旨如何雪峯曰什麼處不是石霜僧迴舉雪  
峯之語呈師師曰老大漢有什麼死急東禪齊云口八  
石霜意下不會石霜意若會也他為什麼道死急若不  
會作麼生雪峯豈可不會然且無異奈以師承不  
同解之差別他云徧界不會藏也  
須會學來始得會亂說即不可雲蓋問萬戶俱閉  
即不問萬戶俱開時如何師曰堂中事作麼生曰無



人接得渠師曰道也大殺道也只道得八九成曰未  
審和尚作麼生道師曰無人接得渠東禪齊云只如  
若道一般前來爲什麼不許伊若道別有問佛性如  
道理又只重說一編且道古人意作麼生問佛性如  
虛空如何師曰臥時卽有坐時卽無問忘汝一足時  
如何師曰不甚汝同盤問風生浪起時如何師曰湖  
南城裏大殺鬧有人不肯過江西因僧舉洞山參次  
示衆曰兄弟秋初夏末或東去西去直須向萬里無  
寸草處去始得又曰只如萬里無寸草處且作麼生  
去師聞之乃曰出門便是草僧舉似洞山洞山曰大  
唐國內能有幾人東禪齊拈云且道石霜會洞山意  
否若道會去只如諸上座每日折

旋內舟迎來送去爲當是落路下草爲復一一  
皆言不離會洞山意又爭解恁麼下語還有會處麼  
座無什麼處去於此若明得可謂還鄉曲師止石霜  
也不見也會箇箇語云恁麼卽不去也山二十年問學衆有長坐不臥屹若株杙天下謂之  
枯木衆也唐僖宗聞師道譽遣使齎賜紫衣師牢讓  
不受光啓四年戊申二月二十日巳亥示疾告寂壽  
八十有二臘五十九三月十五日葬于院之西北隅  
敕謚普會大師塔曰見相  
潭州漸源仲興禪師在道吾處爲典座一日隨道吾  
往檀越家弔喪師以手拈棺曰生耶死耶道吾曰生  
也不道死也不道師曰爲什麼不道道吾曰不道不



道帝畢同迴途次師曰和尚今日須與仲興道德更  
不道卽打去也道吾曰打卽任打生也不道死也不  
道師遂打道吾數拳道吾歸院令師且去少間主事  
知了打汝師乃禮辭往石霜舉前語及打道吾之事  
今請和尚道石霜曰汝不見道吾道生也不道死也  
不道師於此大悟乃設齋懺悔師一日將鉢子於法  
堂上從東過西從西過東石霜曰作麼師曰覓先師  
靈骨石霜曰洪波浩渺白浪滔天覓什麼靈骨師曰  
正好著力石霜曰這裏針劄不入著什麼力太原字  
云先師靈骨猶在

祿清和尚僧問不落道吾機請師道師云庭前紅杏  
樹生葉不生華良久云會麼僧云不會師云正是道  
吾機因什麼不會僧禮拜師便打云須是老僧打你  
始得

潭州雲巖曇晟禪師法嗣

錦州洞山良价禪師會稽人也姓俞氏幼歲從師因  
念般若心經以無根塵義問其師其師駭異曰吾非  
汝師卽指往五洩山禮默禪師披剃年二十一嵩山  
具戒遊方嘗謁南泉值馬祖諱夜修齋次南泉垂問  
衆僧曰來日設馬師齋未審馬師還來否衆皆無對



師乃出對曰待有伴即來南泉聞已讚曰此子雖後  
生甚堪彫琢師曰和尚莫壓良為賤次參潯山問曰  
頃聞忠國師有無情說法良价未究其微潯山曰我  
這裏亦有只是難得其人曰便請師道潯山曰父母  
所生口終不敢道曰還有與師同時慕道者否潯山  
曰此去石室相連有雲巖道人若能撥草瞻風必為  
予之所重既到雲巖問無情說法什麼人得聞雲巖  
曰無情說法無情得聞師曰和尚聞否雲巖曰我若  
聞汝即不得聞吾說法也曰若恁麼即良价不聞和  
尚說法也雲巖曰我說法汝尚不聞何況無情說法也

師乃述偈呈雲巖曰

也大奇 也大奇

無情說法不思議

若將耳聽終難會

眼處聞聲方可知

遂辭雲巖雲巖曰什麼處去師曰雖離和尚未卜所  
止曰莫湖南去師曰無曰莫歸鄉去師曰無曰早晚  
卻來師曰待和尚有住處即來曰自此一去難得相  
見師曰難得不相見又問雲巖和尚百年後忽有人  
問還邈得師真不如何祇對雲巖曰但向伊道只這  
箇是師良久雲巖曰承當這箇事大須審細師猶涉  
疑後因過水觀影大悟前旨因有一偈曰



切忌從他覓 迢迢與我疎 我今獨自往  
處處得逢渠 渠今正是我 我今不是渠

應須恁麼會 方得契如如

他日因供養雲巖真有僧問曰先師道只這是莫便  
是否師曰是僧曰意旨如何師曰當時幾錯會先師  
語曰未審先師還知有也無師曰若不知有爭解恁  
麼道若知有爭肯恁麼道長慶稜云既知有爲什麼  
恁麼道又云養子方知父  
師在泐潭見初上座示衆云也太奇也太奇佛界  
道界不思議師曰佛界道界卽不問且如說佛界道  
界是什麼人只請一言初良久無對師曰何不急道

初曰爭卽不得師曰道也未曾道說什麼爭卽不得  
初無對師曰佛之與道只是名字何不引教初曰教  
道什麼師曰得意忘言初曰猶將教意向心頭作病  
在師曰說佛界道界病大小初因此遷化師至唐大  
中末於新豐山接誘學徒厥後盛化豫章高安之洞  
山今筠州也因爲雲巖諱曰營齋有僧問和尚於先師處  
得何指示師曰雖在彼中不蒙他指示僧曰既不蒙  
指示又用設齋作什麼師曰雖然如此焉敢違背於  
他僧問和尚初見南泉發迹爲什麼與雲巖設齋師  
曰我不重先師道德亦不爲佛法只重不爲我說破



又因設忌齋僧問和尚爲先師設齋還肯先師也無  
師曰半肯半不肯曰爲什麼不全肯師曰若全肯卽  
孤負先師也僧問欲見和尚本來師如何得見曰年  
涯相似卽無阻矣僧再舉所疑師曰不躡前蹤更請  
一問僧無對雲居代云怎麼卽某甲不見和尚本來  
師也後較上座拈問長慶如何是年涯相似者長慶云古人恁麼道較闍黎又向這裏覓箇什麼  
師又曰還有不報四恩三有者無若不體此意何超  
始終之患直須心心不觸物步步無處所常不間斷  
稍得相應師問僧什麼處來曰遊山來師曰還到頂  
否曰到師曰頂上還有人否曰無人師曰怎麼卽闍

黎不到頂也曰若不到頂爭知無人師曰闍黎何不  
且住曰某甲不辭住西天有人不肯師問太長老曰  
有一物上拄天下拄地常在動用中黑如漆過在什  
麼處太曰過在動用同安顯別云不知師乃咄云出矣問如  
何是西來意師曰大似駭雞犀師問雪峯從什麼處  
來雪峯曰天台來師曰見智者否曰義存喫鐵棒有  
分僧問蛇吞蝦蟇救卽是不救卽是師曰救卽雙自  
不覩不救卽形影不彰因夜間不點燈有僧出問話  
退後師令侍者點燈乃召適來問話僧出來其僧近  
前師曰將取三兩粉來與這箇上座其僧拂袖而退



自此省發玄旨遂罄捨衣資設齋得三年後辭師師  
曰善爲時雪峯侍立次問曰只如這僧辭去幾時卻  
來師曰他只知一去不解再來其僧歸堂就鉢鉢下  
坐化雪峯上報師師曰雖然如此猶較老僧三生在  
雪峯上問訊師曰入門來須得語不得道早箇入了  
也雪峯曰義存無口師曰無口且從還我眼來雪峯  
無語雪峯居唐別前語云待某甲有某甲即師問僧什麼  
道長慶後別云怎麼即某甲謹退師問僧什麼  
處來曰三祖塔頭來師曰既從祖師處來又要見老  
僧作什麼曰祖師即別學人與和尚不別師曰老僧  
欲見闍黎本來師還得否曰亦須待和尚自出頭來

始得師曰老僧適來暫時不在雲居問如何是祖師  
西來意師曰闍黎向後有把茆蓋頭或有人問闍黎  
且作麼生向伊道官人問有人修行否師曰待公作  
男子即修行僧問承古有言相逢不擊出舉意便知  
有時如何師乃合掌頂戴師問德山侍者從何方來  
曰德山來師曰來作什麼曰孝順和尚來師曰世間  
什麼物最孝順侍者無對師有時云體得佛向上事  
方有些子語話分僧便問如何是語話師曰語話時  
闍黎不聞曰和尚還聞否師曰待我不語話時即聞  
僧問如何是正問正答師曰不從口裏道曰若有人



問師還答否師曰也未問問如何是從門入者非實  
師曰便休便休師問講維摩經僧曰不可以智知不  
可以識識喚作什麼語對曰讚法身語師曰法身是  
讚何用更讚師有時垂語曰直道本來無一物猶未  
消得他鉢袋子僧便問甚麼人合得師曰不入門者  
僧曰只如不入門者還得也無師曰雖然如此不得  
不與他師又曰直道本來無一物猶未消得他鉢  
這裏合下得一轉語且道下得什麼語有一上座下  
語九十六轉不愜師意末後一轉始可師意師曰闍  
黎何不早怎麼道有一僧聞請舉如是三年執待巾

餅終不爲舉上座因有疾其僧曰某甲三年請舉前  
話不蒙慈悲善取不得惡取遂持刀向之曰若不爲  
某甲舉即便殺上座也上座悚然曰闍黎且待我爲  
汝舉乃曰直饒將來亦無處著其僧禮謝僧問師尋  
常教學人行鳥道未審如何是鳥道師曰不逢一人  
曰如何行師曰直須足下無絲去曰只如行鳥道莫  
便是本來面目否師曰闍黎因什麼顛倒曰什麼處  
是學人顛倒師曰若不顛倒因什麼認奴作郎曰如  
何是本來面目師曰不行鳥道師謂衆曰知有佛向  
上人方有語話分時有僧問如何是佛向上人師曰



非常

保福別云佛非法眼  
別云方便呼為佛

師問僧去什麼處來僧曰

製鞋來師曰自解依他僧曰依他師曰他還指教

黎也無僧曰允即不違僧來舉問萊莢如何是沙門

行萊莢曰行即不無人覺即乖師令彼僧去進語曰

未審是什麼行萊莢曰佛行佛行僧迴舉似師師曰

幽州猶似可最苦是新羅

東禪齊拈云此語還有疑  
訛也無若有且道什麼處

不得若無他又道最苦是新羅還檢點得出麼他道

行即不無人覺即乖師令再問是什麼行又道佛行

長三尺頸長二寸

有僧舉問歸宗權和尚只如洞師  
山意什麼生權云封皮厚二寸

見幽上座來遽起向禪牀後立幽曰和尚為什麼迴

避學人師曰將謂閣黎不見老僧問如何是玄中又玄

師曰如死人舌師洗鉢次見兩鳥爭蝦蟇有僧便問

曰這箇因什麼到恁麼地師曰只為閣黎僧問如何

是毗盧師法身主師曰禾莖粟穀問三身之中阿那

身不障眾數師曰吾常於此切

僧問曹山先師道吾  
常於此切意作麼生

上座牽牛師曰這箇牛須好看恐喫稻去朗曰若是

好牛應不喫稻師問僧世間何物最苦僧曰地獄最

苦師曰不然曰師意如何師曰在此衣線下不明太

事是名最苦師問僧名什麼僧曰某甲師曰阿那箇



是閻黎王人公僧曰見祇對次師曰苦哉苦哉今時人例皆如此只是認得驢前馬後將爲自己佛法平沈此之是也客中辨王尚未分如何辨得王中王僧便問如何是王中王師曰閻黎自道取僧曰某甲道得卽是客中王如何是王中王師曰恁麼道卽易相續也大難得不是客中王師示疾令沙彌去雲居傳語又曰他忽問汝和尚有何言句但道雲巖路欲絕也汝下此語須遠立恐他打汝去沙彌領旨去語未終早被雲居打一棒沙彌無語同安顯代云恁麼也後雲居錫云上座且道雲巖路絕不絕師將圓寂謂絕崇壽欄云古人打此一棒意作麼生師將圓寂謂

衆曰吾有閑名在世誰爲吾除衆皆無對時沙彌出曰請和尚法號師曰吾名已謝石霜云無人得他肯吾先師時山云從古至今無人辨得僧問和尚病還疎山云龍有出水之機無人辨得有有不病者也無師曰有僧曰不病者還看和尚否師曰老僧看他有分曰和尚爭得看他師曰老僧看時卽不見有病師又曰離此殼漏子向什麼處與吾相見衆無對唐咸通十年三月命剃髮披衣令擊鐘儼然坐化時大衆號慟移晷師忽開目而起曰夫出家之人心中不附物是真修行勞生息死於悲何有乃召王事僧令辦愚癡齋一普蓋責其戀情也衆猶戀慕



不也延至七日食具方備師亦隨齋畢曰僧家勿事

大率臨行之際喧動如斯至八日浴訖端坐長往壽

六十有三臘四十二敕諡悟本大師塔曰慧覺師在泐

厚尋譯大藏纂出大乘經一卷并啟勵道俗偈頌識錄流布諸方

涿州杏山鑒洪禪師臨濟問如何是露地白牛師曰

咩濟曰啞卻杏山口師曰老兒作麼生濟曰這畜生

師乃休與石室門答如彼章出之師五詠十秀皆暢玄風滅後茶

毗收五色舍利

潭州神山僧密禪師師在南泉打羅次南泉問作什

麼師曰打羅曰汝以手打腳打師曰卻請和尚道有

泉曰分明記取向後遇明眼作家但恁麼舉似云云

無手腳者始解打師與洞山渡水洞山曰莫錯下腳師曰錯

卽過不得也洞山曰不錯底事作麼生師曰其長老

過水一日與洞山鋤茶園洞山擲下鏹頭曰我今日

困一點氣力也無師曰若無氣力爭解恁麼道得洞

山曰汝將謂有氣力底是也裴大夫問僧供養佛還

喫否僧曰如大夫祭家神大夫舉似雲巖雲巖代曰

有幾般飯食但一時下來雲巖卻問師一時下來後

作麼生師曰合取鉢盂巖肯之僧問如何是無所聞

者乃曰聽經師曰要會麼僧曰要會師曰未解聽經



在問一地不見二地如何師曰汝莫錯否汝是何地  
有行者問生死事乞師一言師曰汝何時生死去來  
曰某甲不會請師說師曰不會須死一場去

幽谿和尚僧問大用現前不存軌則時如何師起繞  
禪牀一匝而坐僧欲進語師與一踢僧歸位而立師  
曰汝恁麼我不恁麼汝不恁麼我卻恁麼僧再擬進  
語師又與一踢曰三十年後吾道大行

前華亭船子德誠禪師法嗣

澧州夾山善會禪師廣州峴亭人也姓廖氏九歲於  
潭州龍牙山出家依年受戒往江陵聽習經論鼓練

三學遂參禪會勵力參承初住澧州一夕道吾策杖  
而至遇師上堂僧問如何是法身師曰法身無相曰  
如何是法眼師曰法眼無瑕師又曰目前無法意在  
目前不是目前法非耳目所到道吾乃笑師乃生疑  
問吾何笑吾曰和尚一等出世未有師可往泐中華  
亭縣參船子和尚去師曰訪得獲否道吾曰彼師上  
無片瓦遮頭下無草錐之地師遂易服直詣華亭會  
船子鼓櫂而至師資道契微朕不畱語見船子章師比遁  
世忘機尋以學者交湊廬室星布曉夕參依唐咸通  
十一年庚寅海衆卜于夾山遽成院宇師上堂示衆



曰夫有祖以來時人錯會相承至今以佛祖句爲人師範如此卻成狂人無智人去他只指示汝無法本是道道無一法無佛可成無道可得無法可捨故云目前無法意在目前他不是目前法若向佛祖邊學此人未有眼目皆屬所依之法不得自在本只爲生死茫茫識性無自由分千里萬里求善知識須有正眼永脫虛謬之見定取目前生死爲復實有爲復實無若有人定得許汝出頭上根之人言下明道中下根器波浪浪走何不向生死中定當取何處更疑佛疑祖替汝生死有智人笑汝偈曰

勞持生死法

唯向佛邊求

目前迷正理

撥火覓浮漚

僧問從上立祖意教意和尚此間爲什麼言無師曰三年不食飯目前無饑人曰旣無饑人某甲爲什麼不悟師曰只爲悟迷卻闍黎師說頌曰

明明無悟法

悟法卻迷入

長舒兩腳睡

無偽亦無真

僧問如何是道師曰太陽溢自萬里不掛片雲曰如何得會師曰清清之水游魚自迷問如何是本師曰飲水不迷源問古人布髮掩泥當爲何事師曰九鳥



射盡一翳猶存一箭墮地天下不與問祖意與教意  
同別師曰風吹荷葉滿池青十里行人較一程師有  
小師隨侍日久師住後遣令行脚游歷禪肆無所用  
心聞師聚眾道播他室迴歸省觀而問曰和尚有如  
是奇特事何不早向某甲說師曰汝煮飯吾續火汝  
行盆吾展鉢什麼處是孤負汝處小師從此悟入師  
一日喫茶了自煮一碗過與侍者侍者接師乃縮  
手曰是什麼侍者無對有一大德來問師若是教意  
某甲卽不疑只如禪門中事如何師曰老僧也只解  
變生爲熟問如何是實際之理師曰石長無根樹山

舍不動雲問如何是出窟師曰虛空無影像  
下野雲生西川座主遊方至白馬舉華嚴教語問曰  
一塵含法界無邊時如何白馬曰如鳥二翼如車二  
輪座主曰將謂禪門別有奇特事元來不出教乘乃  
迴本地尋嚮夾山盛化遣小師持前語而問師師曰  
雕沙無鏤玉之譚結草乖道人之思小師迴舉似座  
主座主乃讚將謂禪門與教意不殊元來有奇特之  
事問如何是夾山境師曰猿抱子歸青嶂裏鳥銜華  
落碧巖前師再闢玄樞逮于一紀唐中和元年辛丑  
十一月七日召主事曰吾與衆僧語道累歲佛法深



旨各應自知吾今幻質時盡即去汝等善保護如吾  
在日勿得雷問世人輒生惆悵言訖至子夜奄然而  
逝其月二十九日塔于本山壽七十七臘五十七教  
諡傳明大師塔曰永齊

行思禪師第五世

前舒州投子山大同禪師法嗣

投子感溫禪師

第二世

僧問師登寶座接未何人師曰

如月覆千谿僧曰恁麼即滿地不虧也師曰莫恁麼  
道僧問父不投爲什麼卻投子師曰豈是別人屋裏  
事僧曰父與子還屬功也無師曰不屬曰不屬功底

如何師曰父子各自脫曰爲什麼如此師曰汝與我  
會師遊山見蟬蛻殼待者問曰殼在這裏蟬子向什  
麼處去也師拈殼就耳畔搖三五下作蟬響聲其僧  
於是開悟

福州牛頭微禪師師上堂示衆曰三世諸佛用一點  
伎倆不得天下老師口似匾擔諸人作麼生大不容  
易除非知有莫能知之僧問如何是和尚家風師曰  
山禽粟米飯野菜澹黃菴僧曰忽遇上客來又作麼  
生師曰喫即從君喫不喫任東西問不問驪龍領下  
珠如何識得家中寶師曰忙中爭得作閑人



西川青城香山澄照大師僧問諸佛有難向火燄裏藏身未審衲僧有難向什麼處藏身師曰水精甕裏著波斯問如何是初生月師曰太半人不見陝府天福和尚僧問如何是佛法大意師曰黃河無滴水華嶽總平沈  
濠州思明和尚在投子衆時有僧問如何是上座沙彌童行師曰諾僧問如何是清淨法身師曰屎裏蛆兒頭出頭沒  
鳳翔府招福和尚僧問東牙烏牙皆出隊和尚爲什麼不出隊師曰住持各不同閑黎爭得怪

興元府中梁山遵古禪師問空劫無人能問法卽今有問法何安師曰大悲菩薩甕裏坐問如何是祖師西來意師曰道士擔漏卮

襄州谷隱和尚僧問如何是不觸白雲機師曰鶴帶鴟顏浮生不棄

安州九嶷山和尚僧問如何是佛師曰卽汝是問遠聞九嶷及至到來只見一嶷師曰閑黎只見一嶷不見九嶷曰如何是九嶷師曰水急浪華竈

盤山和尚幽州第二世住僧問如何出得三界師曰在裏頭來多少時耶曰如何出得師曰青山不礙白雲飛問



承教有言如化人煩惱如石女見此理如何師曰闍黎直須石女兒去

安州九峻敬慧禪師

第二世住

僧問解脫深坑如何過得

師曰不求過僧曰如何過得師曰求過亦非

東京觀音院嚴俊禪師邢臺人也姓廉氏初參祖席徧歷衡廬岷蜀嘗經鳳林深谷欵視珍寶發現同侶相顧意將取之師曰古人鋤園觸黃金若无礫待吾營茆覆頂須此供四方僧言訖捨去造謁投子投子問曰子昨宿何處師曰在不動道場曰旣言不動曷由至此師曰至此豈是動耶曰元來宿不著處然投

子默認許之尋抵東京會有梁少保李資卽河陽節度使罕之兄也雅信內典尤重于師因捨宅建院曰觀音明聖請師居之周高祖世宗二帝潛隱時每登方丈必施跪禮及卽位特賜紫號淨戒大師衆常數百乾德丙寅三月示疾垂誡門人訖怡顏合掌而滅壽八十五臘六十五其年四月八日塔于東郊豐臺村

前鄂州清平山令遵禪師法嗣

蘄州三角山令珪禪師初參清平清平問曰來作麼師曰來禮拜曰禮拜阿誰師曰特來禮拜和尚清平



咄曰這鈍根阿師師乃禮拜清平於師頸上以手斫  
一下師從此掘衣密領宗肯住後僧問如何是佛師  
曰明日來向汝道如今道不得

景德傳燈錄卷第十五

音釋

欽失涉切 嶮于紅切 非古患切 袂彌蔽切 鎔鎔各切  
鄒以遮切 硬魚孟切 笊側貌切 覲徒歷切 逗徒候切  
鎔鄒劍名切 硬堅也 笊切 覲見也 逗投合也  
嚇呼格切 燥七到切 伶伶郎切 淦古暗切 屹其  
於加切 嚇口 燥性快也 伶切 淦水名也 屹迄  
丫角非切 薙丈几切 屐奇逆切 淦水名也 屹迄  
山五骨切 木也 僖許羈切 齋祖稽切 覓狹禍切 毆墓  
杌無枝也 僖許羈切 齋持也 覓狹禍切 毆墓

暇胡加切 恆苦協切 悚息拱切 晷居消切 峴胡典  
慕莫霞切 恆快也 悚懼也 晷日景也 峴切  
匾匾補典切 畬詩遮切 莖祖稽切 甕大甕切 蛆切  
切余 歛許勿切 營古閑切 莖菜也 甕切 蛆切  
切也 忽也 營也 莖切 甕切 蛆切

丹陽居士賀學禮施貲刻此  
景德傳燈錄卷十五 計字一萬二千五百箇  
該銀六兩五錢  
安城沙門可震對長洲徐普書建陽詹光祖刻  
萬曆丙午孟夏月徑山寂照庵識



景德傳燈錄卷第十六

宋沙門道原纂

吉州青原山行思禪師法嗣

第五世七十二人

朗州德山宣鑒禪師法嗣九人

六人見錄

鄂州巖頭全豁禪師

福州雪峯義存禪師

天台瑞龍院慧恭禪師

泉州瓦棺和尚

襄州高亭簡禪師

洪州感潭資國和尚

德山鷲湖紹爽大師  
益州雙流尉遲和尚

已上三人無機  
緣語句不錄



潭州石霜慶諸禪師法嗣四十一人

二十一人見錄

河中南際山僧一禪師

潭州大光山居誨禪師

廬山懷祐禪師

筠州九峯道虔禪師

台州涌泉景欣禪師

潭州雲蓋山志元禪師

潭州谷山藏禪師

福州覆船山洪荐禪師

朗州德山存德慧空禪師

吉州崇恩和尚

石霜第三世輝禪師

郢州芭蕉和尚

潭州肥田伏和尚

潭州鹿苑暉禪師

潭州寶蓋約禪師

越州雲門海晏禪師

湖南文殊和尚

鳳翔府石柱和尚

潭州中雲蓋和尚

河中棲巖存壽禪師

南嶽玄泰上座

杭州龍泉敬禪師

潞州盤亭宗敏禪師

新羅欽忠禪師

新羅行寂禪師

洪州鹿源和尚

郢州大陽山和尚

滑州觀音和尚

鄆州正覺和尚

商州高明和尚

許州慶壽和尚

鎮州萬歲和尚

鎮州洪濟禪師

第二世鎮州靈壽和尚

大梁洪方禪師

吉州簡之禪師

新羅朗禪師

印州守閑禪師

汾州爽禪師

新羅清虛禪師

餘杭通禪師

已上二十人無機緣語句不錄

澧州夾山善會禪師法嗣二十二人

一十一人見錄

澧州樂普山元安禪師

洪州上藍令超禪師



鄆州四禪和尚

江西逍遙山懷忠禪師

袁州盤龍山可文禪師

撫州黃山月輪禪師

洛京韶山寰普禪師

太原海湖和尚

嘉州白水寺和尚

鳳翔府天蓋山幽禪師

洪州同安和尚

韶州曇普禪師

吉州僊居山和尚

太原資福端禪師

洪州盧僊山延慶和尚

越州越峯和尚

朗州祇闍山和尚

益州棲穆和尚

嵩山全禪師

益州夾山院和尚

西京雲巖和尚

安福延休和尚

已上十一人無  
機緣語句不錄

前朗州德山宣鑒禪師法嗣

鄂州巖頭全豁禪師泉州人也姓柯氏少禮青原誼  
公落髮往長安寶壽寺稟戒習經律諸部優遊禪苑  
與雪峯義存欽山文遠爲友自餘杭大慈山迤邐造  
于臨濟屬臨濟歸寂乃謁仰山纔入門提起坐具曰  
和尚仰山取拂子擬舉之師曰不妨好手後參德山  
和尚執坐具上法堂瞻視德山曰作麼師咄之德山  
曰老僧過在什麼處師曰兩重公案乃下參堂德山  
曰這箇阿師稍似箇行脚人至來日上問訊德山曰  
闍黎是昨日新到否曰是德山曰什麼處學得這箇



虛頭來師曰全豁終不自謾德山曰他後不得孤負  
老僧他日參師入方丈門側身問是凡是聖德山喝  
師禮拜有人舉似洞山洞山曰若不是豁上座大難  
承當師聞之乃曰洞山老人不識好惡錯下名言我  
當時一手擡一手搦雪峯在德山作飯頭一日飯遲  
德山擎鉢下法堂雪峯曬飯巾次見德山乃曰鍾未  
鳴鼓未打老和尚向什麼處去德山卻歸方丈師在  
堂中聞之拊掌曰大小德山猶未會末後句德山聞  
舉令侍者喚師去問你不肯老僧那師密啓其意德  
山來日上堂說話異於尋常師到僧堂撫掌大笑云

且喜得堂頭老漢會末後句他後天下人不奈何雖  
然如是也祇得三年三年後果然遷化矣一日與雪  
峯義存欽山文遠三人聚話存驀然指一椀水遠曰  
水清月現存曰水清月不現師踢卻水椀而去自此  
遠師洞山存豁二士同嗣德山師與存同辭德山德  
山問什麼處去師曰暫辭和尚下山去德山曰子他  
後作麼生師曰不忘曰子憑何有此說師曰豈不聞  
智慧過師方傳師教其或智慧齊等他後恐滅師半  
德曰如是如是當善護持二士禮拜而退存返閩川  
居象骨山之雪峯師庵于洞庭臥龍山徒侶臻萃僧



問無師還有出身處也無師曰聲前古堯爛問堂堂  
來時如何師曰刺破眼問如何是祖師意師曰移取  
廬山來向汝道師曰日上堂謂諸徒曰吾嘗究涅槃  
經七八年觀三兩段文似衲僧說話又曰休休時有  
一僧出禮拜請師舉師曰吾教意如伊字三點第一  
向東方下一點點開諸菩薩眼第二向西方下一點  
點諸菩薩命根第三向上一點點諸菩薩頂此  
是第一段義又曰吾教意如摩醯首羅擘開面門豎  
亞一隻眼此是第二段義又曰吾教意猶如毒塗鼓  
擊一聲遠近聞者皆喪亦云俱死此是第三段義時

小巖上座問如何是毒塗鼓師以兩手按膝亞身曰  
韓信臨朝底巖無語夾山會下一僧到石霜入門便  
道不審石霜曰不必聞黎僧曰恁麼即珍重又到巖  
頭如前道不審師曰噓僧曰恁麼即珍重方迴步師  
曰雖是後生亦能管帶其僧歸舉似夾山夾山曰大  
衆還會麼衆無對夾山曰若無人道老僧不惜兩莖  
眉毛道去也乃曰石霜雖有殺人力且無活人劍師  
與羅山卜塔基羅山中路忽曰和尚師迴顧曰作麼  
羅山舉手曰這裏好片地師咄曰爪州賣爪漢又行  
數里徘徊間羅山禮拜問曰和尚豈不是三十年在



洞山而不肯洞山師曰是又曰和尚豈不是法嗣德  
山又不肯德山師曰是曰不肯德山卽不問只如洞  
山有何所闕師良久曰洞山好箇佛只是無光僧問  
利劍斬天下誰是當頭者師曰暗擬再問師咄曰這  
鈍漢出去問不歷古今時如何師曰卓朔地曰古今  
事如何師曰任爛師問僧什麼處來曰西京來師曰  
黃巢過後還收得劍麼曰收得師作引頸受刃勢僧  
曰師頭落也師大笑其僧後到雪峯舉前語被拄杖打趁下山問二龍爭  
珠誰是得者師曰俱錯僧問雪峯聲聞人見性如夜  
見月菩薩人見性如晝見日未審和尚見性如何峯

以拄杖打三下其僧後舉前語問師師與三獼問如  
何是三界王師曰汝還解喫鐵棒麼瑞巖問如何是  
毗盧師師曰道什麼瑞巖再問之師曰汝年十七八  
未問塵中如何辨王師曰銅沙鉢裏盛油問弓折箭  
盡時如何師曰去問如何是巖中的的意師曰謝指  
示僧曰請和尚答話師曰珍重問如何是道師曰破  
草鞋與拋向湖裏著問萬丈井中如何得到底師曰  
吽僧再問師曰腳下過也問古帆不掛時如何師曰  
後園驢喫草邇後人或問佛問法問道問禪者師皆  
作噓聲而常謂衆曰老漢去時大吼一聲了去唐光



啓之後中原盜起衆皆避地師端居晏如也一日賊大至責以無供饋遂傳刃焉師神色自若大叫一聲而終聲聞數十里卽光啓三年丁未四月八日也門人後焚之獲舍利四十九粒衆爲起塔壽六十僖宗諡清嚴大師塔曰出塵

福州雪峯義存禪師泉州南安人也姓曾氏家世奉佛師生惡葷茹於襦襟中間鍾梵之聲或見幡華像設必爲之動容年十二從其父遊莆田玉澗寺見慶玄律師遽拜曰我師也遂留侍焉十七落髮謁芙蓉山常照大師照撫而器之後往幽州寶刹寺受具足

戒久歷禪會緣契德山唐咸通中迴闌中登象骨山雪峯創院徒侶翕然懿宗賜號真覺大師仍賜紫袈裟僧問祖意與教意是同是別師曰雷聲震地室內不聞又曰闍黎行脚爲什麼事問我眼本正因師故邪時如何師曰迷逢達磨曰我眼何在師曰得不從師問剃髮染衣受佛依蔭爲什麼不許認佛師曰好事不如無師問座主如是兩字盡是科文作麼生是本文座主無對五雲和尚代云更分三段著問有人問三身中那箇身不墮諸數古人云吾常於此切意旨如何師曰老漢九轉上洞山僧擬再問師曰拽出此僧著問如



何是覲面事師曰千里未是遠問如何是大人相師  
曰瞻仰卽有分問文殊與維摩對譚何事師曰義墮  
也僧問寂然無依時如何師曰猶是病曰轉後如何  
師曰船子下揚州問承古有言師便作臥勢良久起  
曰問什麼僧再舉師曰虛生浪死漢問箭露投鋒時  
如何師曰好手不中的僧曰盡眼勿標的時如何師  
曰不妨隨分好手問古人道路逢達道人將語默  
對未審將什麼對師曰喫茶去師問僧什麼處來對  
曰神光來師曰晝喚作日光夜喚作火光作麼生是  
神光僧無對師自代曰日光火光栖與座問古人有

言知有佛向上事方有語話分如何是語話師把住  
曰道道栖無對師蹋倒栖起來汗流師問僧什麼處  
來僧曰近離潮中師曰船來陸來曰二途俱不涉師  
曰爭得到這裏曰有什麼隔礙師便打問古人道覲  
面相呈時如何師曰是曰如何是覲面相呈師曰蒼  
天蒼天師問僧此水牯牛年多少僧無對師自代曰  
七十七也僧曰和尚爲什麼作水牯牛師曰有什麼  
罪過僧辭師問什麼處去曰禮拜徑山和尚去師曰  
徑山若問汝此間佛法如何作麼生道曰待問卽道  
師以拄杖打尋舉問道恁恁卽銳清這僧過在什麼順德大師



處便喫棒。怵曰：問徑山得徹，因也。師曰：徑山在淞中，因什麼問得徹？因怵曰：不見道遠，問近對師，乃休。齊云：那會若會雪峯意，爲什麼被打？若不會，又打伊作什麼？且道過在什麼處？鏡清雖師子父，與他分抗也。大似成就其魂，拙還會麼？且如雪峯便休，是肯伊不肯伊？師曰：謂慧稜曰：長吾見瀉山問仰山，從上諸聖什麼處去？他道：或在天上，或在人間。汝道仰山意作麼？生稜曰：若問諸聖出沒處，無處道，卽不可。師曰：汝渾不肯，忽有人問汝作麼？生道：稜曰：但道錯。師曰：是汝不錯。稜曰：何異於錯？師問僧：什麼處來？對曰：離江西。師曰：江西與此間相去多少？曰：不遙。師豎起拂子，曰：還隔這箇麼？曰：若

隔這箇，卽遙去也。師便打問學人：乍入叢林，乞師指示箇入路。師曰：寧自碎身，如微塵，終不敢瞞卻一僧眼。問：四十九年後事，卽不問。四十九年前事如何？師以拂子驀口打。有僧辭去參靈雲。問佛未出世時，如何？靈雲舉拂子，又問出世後如何？靈雲亦舉拂子。其僧卻迴，師問：閣黎近去，返太速。生僧曰：某甲到彼問佛法，不相當。乃迴。師曰：汝問什麼事？僧舉前話。師曰：汝問我爲汝道。僧便問佛未出世時如何？師舉拂子，又問出世後如何？師放下拂子。僧禮拜，師便打。後僧似玄沙、玄沙云：汝欲得會麼？我與汝說箇喻，如人賣一片園，東西南北一時總結契了也。中心有箇樹子，猶



屬我在崇壽稠云為當

打伊解處別有道理因舉六祖云不是風動不是

旛動仁者心動師曰大小祖師龍頭蛇尾好與二十

拄杖時太原乎上座待立聞之咬齒師又曰我適來

恁麼道也好與二十拄杖雲居錫云什麼處是祖師

雪峯自道我好喫拄杖且道佛法意旨作麼生久在

衆上座無有不知初機兄弟且作麼生會東禪齊云

雪峯恁麼道為當檢點別有落處衆中喚作自打師

過打過且置祖師道不是風動不是旛動作麼生師

問慧全汝得人處作麼生全曰共和尚商量了師曰

什麼處商量曰什麼處去來師曰汝得人處又作麼

生全無對師打之全坦問平田淺草麀鹿成羣如何

射得麀中王師喚全坦坦應諾師曰喫茶去師問僧

近離什麼處僧曰離瀉山曾問如何是祖師西來意

瀉山據座師曰汝肯他否僧曰某甲不肯他師曰瀉

山古佛子速去禮拜懺悔玄沙曰山頭老漢蹉過瀉

山事也東禪齊云什麼處蹉過的當蹉過莫便恁麼

會也無若恁麼會即未會瀉山意在只如雪

峯二瀉山古佛子速去懺悔是證明瀉山是

讚歎瀉山此事也難子細好見去也不難問學人

道不得處請師道師曰我為法惜人師舉拂子示

僧其僧便去長慶稜舉似泉州王延彬乃曰此僧合

稜曰幾師問慧稜古人道前三三後三三意作麼生

稜便出去云諾師問僧什麼處來對曰藍田來師

曰何不入草長慶稜問大事作麼生師執僧手曰上

長慶稜



座將此問誰有僧禮拜師打五棒僧曰過在什麼處  
師又打五棒喝出師問僧什麼處來僧曰嶺外來師  
曰還逢達磨也無僧曰青天白日師曰自己作麼生  
僧曰更作麼生師便打師送僧出行三五步召曰上  
座僧迴首師曰途中善為僧問拈槌豎拂不當宗乘  
和尚如何師豎起拂子其僧自低頭出師乃不顧代云大衆看此一員戰將  
凡夫開演師曰不消一曲楊柳枝師謂鏡清曰古來  
有老宿引官人巡堂云此一衆盡是學佛法僧官人  
云金屑雖貴又作麼生老宿無對鏡清代曰比來拋

導引玉

法眼別云官人何得貴耳而賤目

師上堂舉拂子曰這箇爲

中下人僧問上上人來如何師舉拂子僧曰這箇爲  
中下師打之問國師三喚侍者意旨如何師乃便起  
入方丈師問僧今夏在什麼處曰涌泉師曰長時涌  
暫時涌曰和尚問不著師曰我問不著曰是師乃打  
之因普請往莊中路逢獼猴師曰這畜生一箇背一  
面古鏡摘山僧稻禾僧曰曠劫無名爲什麼章爲古  
鏡師曰瑕生也僧曰有什麼死急話頭也不識師曰  
老僧罪過問師施銀交牀僧問和尚受大主如此供  
養將何報答師以手托地曰少打我旁同疎山曰雪峯道少打我意



作摩生疎山云頭上問吞盡毗盧時如何師曰福唐  
插爪一垂垂尾脚跟齊  
 歸得平善否師謂眾曰我若東道西道汝則尋言逐  
 句我若羚羊掛角汝向什麼處捫摹僧問保福只如  
教便似羚羊掛角時保福云師住閩川四十餘年學  
莫是與雪峯作小師不得麼  
 者冬夏不減千五百人梁開平二年戊辰春三月示  
 疾閩帥命醫診視師曰吾非疾也竟不服其藥遺偈  
 付法夏五月二日朝遊藍田暮歸澡身中夜入滅壽  
 八十七臘五十九

天台瑞龍院慧恭禪師福州人也姓羅氏家世為儒  
 年十七舉進士隨計京師因遊終南山奉曰寺規祖

師遺像遂求出家二十二受戒遊方謁德山鑒禪師  
 鑒問曰會麼恭曰作麼鑒曰請相見恭曰識麼鑒大  
 笑遂入室焉鑒順世與門人之天台瑞龍院大開  
 法席唐天復三年癸亥十二月二日午時命眾聲鐘  
 顧左右曰去言訖跏趺而化壽八十四臘六十二門  
 人建塔

泉州瓦棺和尚德山問曰汝還會麼師曰不會德山  
 曰汝成持取箇不會好師曰不會又成持箇什麼德  
 山曰汝大似箇鐵檟師遂振衣德山  
 襄州高亭簡禪師初隔江見德山遙合掌云不審德



山以手中扇子招之師忽開悟乃橫趨而去更不迴顧後於襄州開法嗣德山

洪州大寧感潭資國和尚白兆問家內停喪請師慰問師曰苦痛蒼天兆曰死卻爺死卻孃師打而趁之師凡遇僧來亦多以拄杖打趁

前潭州石霜山慶諸禪師法嗣

河中南際山僧一禪師僧問幸獲親近乞師指示師曰我若指示卽屈著汝僧曰教學人作麼生卽是師曰切忌是非問如何是衲僧氣息師曰還會麼著汝也無問類卽不問如何是異師曰要頭卽一任所將

去問如何是法身王師曰不過來又問如何是毗盧師師曰不超越師初居末山後闍帥請開法於長慶禪苑卒謚本淨大師塔曰無塵

潭州大光山居誨禪師京兆人也姓王氏初造于石霜之室函丈請益經一載又令至北塔麻衣草屨殆忘身意一日石霜將試其所得垂問曰國家每年放舉人及第朝門還得拜也無師曰有人不求進曰憑何師曰且不爲名石霜又因疾問曰除卻今日別更有時也無師曰渠亦不道今日是石霜甚然之如是徵詰數四醕對無爽盤桓二十餘祀瀏陽信士胡公



清居大光山提唱宗教有僧問只如達磨是祖否師  
曰不是祖僧曰既不是祖又來作什麼師曰爲汝不  
薦祖僧曰薦後如何師曰方知不是祖問混沌未分  
時如何師曰一代時教阿誰敘師又曰一代時教只  
是收拾一代時人直饒剝徹底也只是成得箇了事  
人汝不可便將當卻衲衣下事所以道四十九年明  
不盡四十九年標不起凡示學徒大要如此唐天復  
三年癸亥九月三日歸寂壽六十有七

廬山棲賢懷祐禪師泉州僊遊人也受業於九座山  
陳禪師尋參學預石霜之室既承奧旨居于謝山其

道未震復遷止棲賢徒侶臻萃僧問如何是五老峯  
前句師曰萬古千秋僧曰恁麼莫成嗣絕也無師曰  
躊躇欲與誰僧問自遠而來請師激發師曰他不憑  
時曰請師憑時師曰我亦不換問如何是法法無差  
師曰雪上更加霜師後終于廬山謚玄悟大師塔曰  
傳燈

筠州九峯道虔禪師福州侯官人也姓劉氏徧歷法  
會後受石霜印記化徒於九峯焉師上堂有僧問無  
間中人行什麼行師曰畜生行曰畜生復行什麼行  
師曰無間行曰此猶是長生路上人師曰汝須知有



不共命者曰不共什麼命師曰長生氣不常師又曰  
諸兄弟還識得命麼欲知命流泉是命湛寂是身千  
波競涌是文殊境界一亘晴空是普賢牀榻其次借  
一句子是指月於中事是話月從上宗門中事如節  
度使信旗且如諸方先德未建許多名目指陳已前  
諸兄弟約什麼體格商量到這裏不假三寸試話會  
看不假耳根試采聽看不假眼試辨白看所以道声  
前拋不出句後不藏形盡乾坤都來是汝當人箇體  
向什麼處安眼耳鼻舌莫但向意根下圖度作解盡  
未來際亦未有休歇分所以古人道擬將心意學玄

宗狀似西行卻向東時有僧問九重無信恩赦何來  
師曰流光雖徧闌內不周曰流光與闌內相去多少  
師曰淥水騰波青山秀色問人人盡言請益末審師  
將何拯濟師曰汝道巨嶽還曾一寸土也無曰恁麼  
即四海參尋當爲何事師曰演若迷頭心自狂曰還  
有不狂者也無師曰有曰如何是不狂者師曰寒曉  
途中眼不開問如何是學人自己師曰更問阿誰曰  
恁麼便承當時如何師曰須彌還更戴須彌麼問祖  
祖相傳復傳何法師曰釋迦慳迦葉富曰畢竟傳底  
事作麼生師曰百歲老人分夜燈問諸佛非我道如



何是我道師曰我道非諸佛曰既非諸佛爲什麼卻  
立我道師曰適來暫喚來如今卻遣出曰爲什麼卻  
遣出師曰若不遣出眼裏塵生問一切處覓不得豈  
不是聖師曰是什麼聖曰牛頭未見四祖時豈不是  
聖師曰是聖境未忘曰二聖相去幾何師曰塵中雖  
有隱形術爭奈全身入帝鄉問承古有言真心妄心  
是如何師曰是立真顯妄曰如何是真心師曰不雜  
食曰如何是妄心師曰攀緣起倒是曰離此二途如  
何是學人本體師曰本體不離曰爲什麼不離師曰  
不敬功德夫誰嫌黑暗女問承古有言盡乾坤都來

是箇眼如何是乾坤眼師曰乾坤在裏許曰乾坤眼  
何在師曰正是乾坤眼曰還照矚也無師曰不借三  
光勢曰既不借三光勢憑何喚作乾坤眼師曰若不  
如是觸體前見鬼人無數問一筆丹青爲什麼邈不  
得師曰僧繇卻許誌公曰未審僧繇得什麼人證曰  
卻許誌公師曰烏龜稽首須彌柱問動容沉古路身  
沒乃方知此意如何師曰偷佛錢買佛香曰學人不  
會師曰不會卽燒香供養本爺孃師後住泐潭而終  
謚大覺禪師塔曰圓寂

台州涌泉景欣禪師泉州僊遊人也本白雲山受業



得石霜開示而止丹丘涌泉之蘭若一日師不披袈  
裟喫飯有僧問莫成俗否師曰卽今豈是僧耶有  
德二禪客到於路次見師騎牛不識師乃曰蹄角甚  
分明爭奈騎者不識師驟牛而去二禪客憩於樹下  
煎茶師迴下牛近前不審與坐喫茶師問曰二禪客  
近離什麼處曰離那邊師曰那邊事作麼生彼提起  
茶盞師曰此猶是這邊那邊事作麼生二人無對師  
曰莫道騎者不識好

潭州雲蓋山志无號圓淨大師遊方時問雲居曰志  
元不奈何時如何雲居曰闍黎只爲功力不到處師

不禮拜而退遂參石霜亦如前問石霜曰非但闍黎  
老僧亦不奈何師曰和尚爲什麼不奈何石霜曰老  
僧若奈何拈過汝不奈何別有問答石霜章出之有僧問如何  
是佛師曰黃面底是曰如何是法師曰藏裏是問然  
燈未出時如何師曰昧不得問蛇子爲什麼吞蛇師  
師曰通身色不同問如何是衲僧師曰參尋訪道  
潭州谷山藏禪師僧問祖意教意是一是二師曰青  
天白日夜半濃霜

福州覆船山洪荐禪師僧問如何是本來面目師閉  
目吐舌又開目吐舌僧曰本來有如許多面目師曰







潭州鹿苑暉禪師僧問不假諸緣請師道師敲火鑪  
僧曰親切處更請一言師曰莫睡語問牛頭未見四  
祖時如何師曰如月在水曰見後如何師曰如冰在  
月問祖祖相傳未審傳箇什麼師曰汝問我我問汝  
僧曰恁麼卽緇素不分也師曰什麼處去來  
潭州寶蓋約禪師僧問寶蓋高高掛其中事若何請  
師言下旨一句不消多師曰寶蓋掛在空中有路不  
曾通儻求言下旨便是有西東

越州雲門山拯迷寺海晏禪師僧問如何是衲衣下  
事師曰如人敲硬石頭問如何是古寺一鑪香師曰

廣大勿入入興曰興者如何師曰六根俱不到問久嚮  
拯迷到來爲什麼不見拯迷師曰闍黎不識拯迷  
湖南文殊和尚僧問僧繇爲什麼邈ト誌公不得師曰  
非但僧繇誌公也邈不成曰誌公爲什麼邈不成師  
曰彩纈不將來曰和尚還邈得也無師曰我亦邈不  
得曰和尚爲什麼邈不得師曰渠不以苟我顏色教  
我作麼生邈問如何是密室師曰緊不就曰如何是  
密室中人師曰不坐上牛

鳳翔府石柱和尚遊方時遇洞山和尚第三垂語曰  
有四種人一人說過佛祖一步行不得一人行過祖



佛一句說不得一人說得行得一人說不得行不得  
阿那箇是其人師出衆而對曰一人說過祖佛行不  
得者只是無舌不許行一人行過祖佛一句說不得  
者只是無足不許說一人說得行得者卽是函蓋相  
稱一人說不得行不得若斷命而求活此是石女披  
枷帶鎖洞山曰闍黎自己作麼生師曰該通會上卓  
卓寧彰洞山曰只如海上明公秀又作麼生師曰幻  
人相逢拊掌呵呵

潭州中雲蓋和尚僧問和尚開堂當爲何事師曰爲  
汝驢漢曰諸佛出世當爲何事師曰爲汝驢漢問祖

佛未出世時如何師曰像不得曰出世後如何師曰  
闍黎也須側身始得問如何是向上一句師曰文殊  
失卻口曰如何是門頭一句師曰頭上插華子問如  
何是超百億師曰超人不得肯

河中府棲巖山大通院存壽禪師不知何許人也姓  
梅氏初講經論後入石霜之室隨緣誘化抵于蒲坂  
縉素歸心僧問蓮華未出水時如何師曰汝莫問出  
水後蓮華事麼僧無語師平居常言叩之則應度弟  
子四百人尼衆百數終壽九十有二諡真寂大師  
南嶽玄泰上座不知何許人也沉靜寡言未嘗衣帛



衆謂之泰布衲始見德山鑒禪師陞于堂矣後謁石  
霜普會禪師遂入室焉所居蘭若在衡山之東號七  
寶臺誓不立門徒四方後進依附皆用交友之禮嘗  
謂衡山多被山民斬木燒畬爲害滋甚乃作會山謠  
遠通傳播達于九重有詔禁止故獄中蘭若無復然  
燒師之力也將示滅竝無僧至乃自出門召一僧入  
付囑令備薪蒸又畱偈曰

今年六十五

四大將離主

其道自玄玄

箇中無佛祖

不用剃頭

不須澡浴

一堆猛火

千足萬足

偈終端坐垂一足而逝闍維收舍利於堅固禪師塔  
左營小浮圖置之壽六十有五

前澧州夾山善會禪師法嗣

澧州樂普山元安禪師鳳翔麟遊人也姓淡氏幼年  
出家依本郡懷恩寺祐律師披削具戒通經論首問  
道于翠微臨濟臨濟常對衆美之曰臨濟門下一隻  
箭誰敢當鋒師蒙許可謂自己足尋之夾山卓庵後  
得夾山書發而覽之不覺竦然乃棄庵至夾山禮拜  
端身而立夾山曰雞棲鳳巢非其同類出去師曰自



遠趨風請師一接夾山曰目前無閑黎此間無老僧  
師曰錯也夾山曰住住閑黎且莫草草忽忽谿山各  
異雲月是同閑黎坐卻天下人舌頭卽不無爭教無  
舌人解語師茫然無對夾山便打師因茲服膺載  
興化代云但知作佛莫愁衆生師一日問夾山佛魔不到處如何體  
會夾山曰燭明千里像闇室老僧迷又問朝陽已升  
夜月不現時如何夾山曰龍銜海珠游魚不顧夾山  
將示滅垂語於衆曰石頭一枝看看卽滅矣師對曰  
不然夾山曰何也師曰自有青山在夾山曰苟如是  
卽吾道不墜矣暨夾山順世師抵于洛陽遇故人因

語武陵事故人問曰倏忽數年何處逃難師曰只在  
闌闌中曰何不無人處去師曰無人處有何難曰闌  
闌中如何逃避師曰雖在闌闌中人且不識故人罔  
測又問曰承西天有二十八祖至於此土人傳一人  
且如彼此不垂曲者如何師曰野老門前不話朝庭  
之事僧曰合譚何事師曰未逢別者終不開拳僧曰  
有人不從朝堂來相逢還話否師曰量外之機徒勞日  
擊僧無對師尋之澧陽樂普山下于宴處後遷止朗  
州蘇谿四方玄侶憧憧奔湊師示衆曰未後一句始  
到牢關鎖斷要津不通凡聖欲知上流之士不將祖



佛見解貼在額頭如靈龜負圖自取喪身之本又曰  
指南一路智者知疏問瞥然便見時如何師曰曉星  
分曙色爭似太陽輝問怎麼來不立怎麼去不泯時  
如何師曰鷺新樵子貴衣錦道人輕問經云飯百十  
諸佛不如飯一無修無證者未審百千諸佛有何過  
無修無證者有何德師曰一片白雲橫谷口幾多歸  
鳥夜迷巢問日未出時如何師曰水竭滄溟龍自隱  
雲騰碧漢鳳猶飛問如何是本來事師曰一粒在荒  
田不耘苗自秀僧曰若一向不耘莫草裏埋沒也  
無師曰肌骨異芻蕘梯稗終難曉問不傷物命者如

何師曰眼華山影轉迷者謾彷徨問不譚今古時如  
何師曰靈龜無卦兆空殼不勞鑽問不掛明暗時如  
何師曰玄中易舉意外難提問不生如來家不坐華  
王座時如何師曰汝道火鑪重多少問祖意與教意  
是一是二師曰師子窟中無異獸象王行處絕狐蹤  
問行到不思議處如何師曰青山常舉足白白不移  
輪問枯盡荒田獨立事如何師曰鷺倚雪巢猶可辨  
烏投漆立事難分問如何是賓主雙舉師曰枯樹無  
橫枝鳥來難指足問終日朦朧時如何師曰擲寶混  
沙中識者天然異曰恁麼卽展手不逢師也師曰莫



將鶴唳悞作鷺啼問圓伊三點人皆重樂普家風事  
若何師曰雷霆一震布鼓聲鉤問亭午時如何師曰  
亭午猶虧半鳥沉始得圓問如何是西來意師曰颯  
颯當軒竹經霜不自寒僧擬再問師曰只聞風擊響  
不知幾千竿師上堂謂眾曰孫賓收鋪去也有卜者  
出來時有僧出曰請和尚一卦師曰汝家爺死僧無  
語法眼代拈問如何是西來意師敲禪牀曰會麼曰  
不會師曰天上忽雷驚宇宙井底蝦蟇不舉頭問佛  
魔不到處如何辨得師曰演若頭非矢鏡中認取乖  
問如何是救離生死師曰執承苟延生不聞天樂妙

問四大從何而有師曰湛水無波漚因風激曰漚滅  
歸水時如何師曰不渾不濁魚龍任躍問生死事如  
何師曰一念忘機太虛無點問如何是道師曰存機  
倚滯迹去杭卻通途問如何是一藏收不得者師曰  
雨滋三草秀片玉本來輝問一毫吞盡巨海於中更  
復何言師曰家有白澤之圖必無如是妖怪保福別  
白澤之圖亦無如是之怪問凝然時如何師曰時雷應節震獄驚  
蟄曰千般運動不異箇凝然時如何師曰靈鶴翥空  
外鈍鳥不離巢曰如何師曰白首拜少年舉世人難  
信問諸聖恁麼來將何供養師曰土宿雖持錫不是



婆羅門問祖意與教意是同是別師曰日月並輪空誰家別有路曰恁麼卽顯晦殊途事非一槩也師曰但自不二羊何須泣歧路問學人擬歸鄉時如何師曰家破人亡子歸何處曰恁麼卽不歸去也師曰庭前殘雪日輪消室內遊塵遣誰掃問動是法王苗寂是法王根根苗卽不問如何是法王師舉拂子僧曰此猶是法王苗師曰龍不出洞誰人奈何師二山開法語播諸方唐光化元年戊午秋八月誠王事曰出家之法長物不留播種之時切宜減省締構之務悉從廢停流光迅速大道深玄苟或因循曷由體悟雖

激勵懇切衆以爲常略不相徹至冬師示有微疾亦不倦參請十二月一日告衆曰吾非明卽後也今有一事問汝等若道這箇是卽頭上安頭若道這箇不是卽斬頭求活時第一座對曰青山不舉足日下不挑燈師曰這裏是什麼時節作這箇語話時有彥從上座別對曰離此二途請和尚不問師曰未有更道曰彥從道不盡師曰我不管汝盡不盡曰彥從無侍者祇對和尚師乃下堂至夜令侍者喚彥從入方丈曰闍黎今日祇對老僧甚有道理據汝合體先師意旨先師道目前無法意在目前不是目前法非耳自



之所到且道那句是主句若擇得出分付鉢袋子曰  
彥從不會師曰汝合會但道曰彥從實不知師喝出  
乃曰苦苦玄覺云且道從上座實不二日午時別僧  
舉前語問師師自代曰慈舟不掉清波上劍峽徒勞  
放木鷲便告寂壽六十有五臘四十六塔于寺西北  
隅

洪州上藍令超禪師初住筠州上藍山說夾山之禪  
學侶俱會後於洪井創禪苑居之還以上藍為名化  
導益盛僧問如何是上藍本分事師曰不從千聖借  
豈向萬機求曰只如不借不求時如何師曰不可拈

放汝手裏得麼問鋒前如何辨事師曰鋒前不露  
真同舌頭尋問二龍爭珠誰是得者師曰其珠徧地  
目覩如泥問善財見文殊卻往南方意如何師曰學  
憑入室知乃通方曰為什麼彌勒遣見文殊師曰道  
廣無涯逢人不盡至唐大順庚戌歲正月初召衆僧  
而告曰吾本約住此十年今化事既畢當欲行矣十  
五日齋畢聲鍾端坐長往諡元真大師塔曰本空  
鄆州四禪和尚僧問古人有請不背今請和尚入井  
還去也無師曰深深無別源飲者消諸患問如何是  
和尚家風師曰會得底人意須知月色寒



江西逍遙山懷忠禪師僧問不似之句還有人道得  
否師曰或卽五由齋前或卽五由齋後問劒鏡明利  
毫毛何惑師曰不空冒索問洪鑪猛燄烹鍛何物師  
曰真佛真祖曰佛祖作麼生真師曰業在其中曰喚  
作什麼業師曰佛力不如問四十九年不說一句如  
何是不說底一句師曰隻履西行道人不顧曰莫便  
是和尚消停處也無師曰馬是官馬不用印問如何  
是一老一不老師曰三從六義曰如何是奇特一句  
師曰坐佛牀斫佛朴問祖與佛阿那箇最親師曰真  
金不肯博誰肯換泥丸曰怎麼卽有不肯也師曰汝

貴我賤問如何是懸劍萬年松師曰非言可及曰當  
爲何事師曰爲汝道話曰言外之事如何明得師  
曰日久年多筋骨成問不敵魔軍如何證道師曰海  
水不勞杓子自問不住有雲山常居無底船時如何  
師曰果熟自然香曰更請師道師曰門前真佛子用  
學人爲什麼不見師曰處處王老師

袁州盤龍山可文禪師僧問二僧遷化向什麼處去  
也師曰石牛沿江路日裏夜明燈問如何是佛師曰  
癡兒捨父逃師後居上藍院

撫州黃山月輪禪師福州福唐人也姓許氏志學之



歲詣本郡黃檗山寺投觀禪師稟教及圓戒品遂遊  
方抵淦水謁三峯和尚雖問答有序而機緣靡契尋  
聞夾山盛化乃往叩之夾山問師名什麼師曰名月  
輪夾山作一圓相曰何似這箇師曰和尚怎麼語話  
諸方大有人不肯在曰貧道即怎麼闍黎作麼生師  
曰還見月輪麼曰闍黎怎麼道此間大有人不肯諸  
方師乃服膺參訊一日夾山抗聲問曰子是什麼處  
人師曰閩中人曰還識老僧否師曰和尚還識學人  
否曰不然子且還老僧草鞋價然後老僧還子江陵  
米價師曰怎麼即不識和尚未委江陵米作麼價夾

山曰子善能哮吼乃入室受印依附七年方辭往撫  
州卜龍濟山隱居玄侶雲集師遂演夾山奧旨名聞  
諸方後歸臨川樂棲黃山謂諸徒曰吾居此山頗諧  
素志矣師上堂謂衆曰祖師西來特唱此事自是諸  
人不薦向外馳求投赤水以尋珠就荆山而覓玉所  
以道從門入者不是家珍認影爲頭豈非大錯時有  
僧問如何是祖師意師曰梁殿不施功魏邦絕心迹  
問如何是道師曰石牛頻吐三春霧木馬嘶聲滿道  
途問如何得見本來面目師曰不勞懸石鏡天曉自  
雞鳴問宗乘一句請師商量師曰黃峯獨脫物外秀



年求月往冷颼颼問不辨中言如何指撥師曰劍去  
遠矣爾方刻舟問如何是衲衣下事師曰石牛水上  
臥東西得自由問如何是目前意師曰秋風有韻片  
月無方問如何是學人用心處師曰覺戶不掩對月  
莫迷問如何是青霄路師曰鶴棲雲外樹不捲苦風  
霜問過去事如何師曰龍叫清潭波瀾自肅師住黃  
山僅十三載學者來無虛往以後唐同光二年十二  
月二十一日示有微恙至二十六日午時奄然坐化  
壽七十二臘五十三明年正月二十日塔于院西北  
隅

洛京韶山寂音禪師有僧到參禮拜起立師曰大才  
藏拙片僧過一邊立師曰袈裟棟梁材師問僧莫是  
多口白頭謚麼謚云不敢云多少口謚云通身是師  
云尋常向什麼處倚謚云向韶山口裏倚師云有韶  
山口向韶山口裏無韶山口向什麼處倚謚無對師  
便打遵布衲山下見師乃問韶山在什麼處師云青  
青鬱鬱處是遵云莫只者便是否師云是卽是闍黎  
有什麼事遵云擬伸一問未審師還答否師云看若  
不是金牙作爭解響弓射尉遵進云鳳凰直入煙霄  
去誰怕林間野鵲兒師曰當軒畫鼓從君擊試展家



風似老僧。逋云一句迥超。今古格松蘿不與月輪齊。  
師云饒君直出威音外。猶較韶山半月程。逋云過在  
什麼處。師云調蕩之辭。時人知有。逋云與麼則真玉  
泥中。異不撥萬機塵。師云魯般門下徒施巧。妙。逋云  
學人卽與麼。師意又如何。師云玉女夜拋梭。織錦於  
西舍。逋云莫便是和尚家風也。無師云耕夫置玉漏。  
不是行家作。逋云此是文言家風。又若何。師云橫身  
當宇宙。誰是出頭人。逋不禮拜。一日又問。闍黎有衝  
天之計。老僧有入地之謀。闍黎橫吞巨海。老僧齒負  
須彌。闍黎橫劍上來。老僧亞槍相待。向上。一路速道。

速道。逋云明鏡當臺。請一鑒。師云不鑒。逋云爲什麼。  
不鑒。師云淺水無魚。徒勞下釣。逋無語。師便打。逋方  
禮拜。師終後。謚無畏大師。

太原海潮和尚。因有人請灌頂三藏。供養數座。記師  
乃就彼位坐。時有雲。涉座主問曰。和尚什麼年行道。  
師曰。座主近前來。涉近前。師曰。只如橋陳如是。什麼  
年行道。涉茫然。師咄曰。這尿牀鬼。僧問。和尚院內人  
何太少。定水院人何太多。師曰。草深多野鹿。巖高獬  
豸稀。

嘉州白水寺和尚。僧問。如何是西來意。師曰。四溟無。



窟宅一滴潤乾坤問曹溪一路合譚何事師曰澗松千載鶴來聚月中香桂鳳凰歸

鳳翔天蓋山幽禪師僧問如何是天蓋水師曰四海湧池不犯涓滴問學人擬看經時如何師曰既是大商何求小利

洪州建昌鳳棲山同安和尚

第一世住

僧問如何是和尚

家風師曰金雞抱子歸霄漢玉兔懷胎入紫微僧曰忽遇客來將何祇待師曰金果早朝猿摘去玉華晚後鳳銜來問終日在潭為什麼釣不得師曰玄源不隱無生寶莫謾垂鉤向碧潭問澄機一句曉露不逢

時如何師曰太陽門下無星月天子殿前無貧兒問如何是同安轉身處師曰曠劫不曾沉玉露目前豈滯太陽機問險惡道中如何進步師曰玄身透過千差路碧海無波往即難問如何是衲衣下事師曰一片玉輪今古在豈同漁父夜沉鉤問如何是大勿慚愧底人師曰空王不坐無生殿迦葉堂前不點燈景德傳燈錄卷第十六

音釋

夷

施隻切

鄆

禹溫切地名

迤邐

迤移爾切

遷

因循也

擗

女角切

也

曬

所賣切

踢

徒浪切

毳

克芮切

俸

側吏切

葦

許云切

辛



也臭茹人想切食也襁襁居兩切襦襦小兒繡也塵之庚切

也也羴郎丁切羴羴各切診章忍切閻閻苦本切貌貌莫角切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

也也繇夷周切績胡對切燎力昭切涪地鋤切闌闌獲切

萬曆丙午季春月徑長山寂照庵識

景陽居士賀學禮施貴刻此

萬曆丙午季春月徑長山寂照庵識

景陽居士賀學禮施貴刻此

萬曆丙午季春月徑長山寂照庵識

景陽居士賀學禮施貴刻此

萬曆丙午季春月徑長山寂照庵識

景陽居士賀學禮施貴刻此

萬曆丙午季春月徑長山寂照庵識

景陽居士賀學禮施貴刻此

萬曆丙午季春月徑長山寂照庵識

景陽居士賀學禮施貴刻此

萬曆丙午季春月徑長山寂照庵識

景陽居士賀學禮施貴刻此

萬曆丙午季春月徑長山寂照庵識

景陽居士賀學禮施貴刻此

萬曆丙午季春月徑長山寂照庵識

景陽居士賀學禮施貴刻此



